

1268, maig, 15

Beatriu de Palera, sagristana de Sant Daniel, estableix a Pere de Mirambell un farraginal que el benefici de Santa Maria de la seva església té a Maià, a cens de tres mallals d'oli, per 80 sous d'entrada.

ASD núm. 200*, perg. orig., 255 x 265 mm, deteriorat de la banda dreta.

Sit notum cunctis quod ego Beatrix de Paleria, sacristana monasterii Sancti Danielis, de consilio pariter et assensu domine Berengarie, Dei gratia abbatisse et conuentus eiusdem, dono et stabilio tibi Petra de Mirambello de Meyano et tuis perpetuo totum illum ferraginelem quod domina Iusiana et Petrus de Ceruaria eius maritus olim defunctus dederunt altari Sancte Marie quod est situm in monasterio supradicto, quod est in parochia Sancti Uincencii de Meyano, sicuti affrontat et terminatur ab oriente in torrente inde transeunte, a meridie in carraria que inde transit et uadit ab ecclesia supradicta, ab occidente in campo de ipsis Casalibus, a circio in borda den Turch et in strada publica, cum ingressibus et exitibus et cum oliuariis que in dicto ferragini sunt fundate, excepta una oliuaria que est in dicto ferragenali, que est inter heredes Petri de Lauineria condam et Ermessendem de Mayano et cum omnibus aliis arboribus quas ibi poteritis tu uel tui plantare et cum omnibus melioramentis et augmentis quos ibi facere uolueritis tu uel tui, prout melius et utilius potest dici et intelligi ad tuam tuorumque comodum et bonum intellectum ad omnes tuas tuorumque uoluntates ibi et ihde perpetuo faciendas, saluo iure nostra et successorum nostrarum sacristanarum dicti monasterii, ut tu et tui prestetis annuatim pro censu et agrariis tria medalia olei boni, sani et clari ad mensuram domini regis olei que [...] in villa Bisulduni, cum expleto et sine expleto quod oleum tu et tui soluatis annuatim et afferetis in festo Sancti Uin[centii ..]ge dicto. Et promito per me et per omnes successores mansi predicti dictum ferraginelem facere habere et tenere in pace, et erimus inde uobis [defensores] et guirentes contra cunctam uiuentem personam, obligando tibi et tuis de euictione omniq[ue] interesse omnia bona sacristie [habita et habenda. Et propter J hoc donum et stabilimentum accipio a te de bonis tuis ad utilitatem dicte sacristie .Lxxx. solidos barchinonenses monete de terno, renunciando [excepcioni non numerate] peccunie et etiam non recepte, et si amplius inde habere debemus, totum amplius tibi et tuis dono, renunciando expresse legi qua subuenitur [deceptis ultra dimidiam] et omni iuri et rationi contra predicta in aliquo repugnantibus. Et ego Petrus de Mirambello predictus laudo et concedo supradicta et promito [uobis dicte] sacristane et successoribus uestris sacristanis soluere et tradere annuatim cum expleto et sine expleto in festo Sancti Uincentii [...] tria medalia olei, boni, sani et clarí ad mensuram predictam, et obligo uobis dictum ferraginelem et melioramenta que ego [...] et successores mei in ipso faciemus. Et nos Berengaria abbatissa Dei gratia, Cecilia de Fuxano priorissa, Guilielma de Petratalata, Guilielma de Belestar, Blanca de Miniana, Brunissensis de Cursauello, Pelegrina de Sancto Genesio et Frescha de Torrente, piateria, promittimus [...] tibi in aliquo non contrauenire.

Quod est actum idus madii anno Domini [.MCCLXVIrr.]¹ Sig+num Beatricis de Paleria,
sacristane, sig+num Petri de .Mirambello,

Sig+num Cecilie de Fuxano, priorisse, sig+num Guilielme de Petratalada, sig+num
Guilielme de Belestar, sig+num Blanche de Miniana, sig+num Brunissendis de
Cursauello, sig+num Pelegrine de Sancto Genesio, sig+num Fresche de Torrente,
monialium monasterii supradicti predictarum, qui omnia concedimus et firmamus.
Testes huius rei sunt Amaldus de Mexella, presbiter Sancti Danielis et Petrus de Ortigis
de Baschanone. +Berengaria, Dei gratia Sancti Danielis abbatissa*.

Sig(s. man.)num Michaelis de Ulmo, qui hoc scripsit mandato Bemardi de Uicco, pub
lici Gerunde notarii. (s. man.) Raimundus de Caciano, tenens locum Bemardi de Uicco,
publici Gerunde notarii, subscribo.

1. La data era perduda ja el segle XVIU, segons la nota dorsal del document. La
conjecturemper l'esment de les persones que s'hi troben i és posterior al nostre núm.
277.

Extret de: Marquès, Josep M., ed. Col·lecció diplomàtica de Sant Daniel de Girona (924-
1300). Barcelona: Fundació Noguera, 1997. 415-417